

UGOVOR O JAVNOJ NABAVCI

Ugovorne strane:

1. **KJKP "Vodovod i Kanalizacija" d.o.o. Sarajevo**, ul. Jaroslava Černija br. 8., koga zastupa v.d.direktor Azra Muzur, dipl.inž.garđ., (u daljem tekstu: Kupac)

i

2. **"KBA Servis" d.o.o. Brčko**, ul. Semberska br.35 Brčko, Brčko distrikt, ID4600357840009 koga zastupa direktor Miloš Dujković, (u daljem tekstu: Prodavac).

Član 1.

Predmet ovog ugovora je nabavka roba: **"Pumpni agregati za filtersko postrojenje Vogošća"** (predmetna nabavka je planirana u dopuni Plana nabavke za 2017 god. pod rednim brojem 392-1.), po provedenom otvorenom postupku broj 79/17, a sve prema tenderskoj dokumentaciji br. 79/17 usvojenog ponudi broj: 02II-VII7 od 25.09.2017. godine, koja je sastavni dio ovog ugovora.

Član 2.

Ukupna vrijednost nabavke iz člana 1. ovog ugovora bez poreza na dodanu vrijednost je fiksna i iznosi: **42.461,00 KM**

(slovima: četrdesetdvijehiljadečetiristotinešezdesetjedan i 00/100 KM) .

Ukupna vrijednost nabavke iz člana 1. ovog ugovora sa uključenim PDV-om iznosi: **49.679,37 KM** (slovima: četrdesetdevethiljadašeststotinasedamdesetdevet i 37/100 KM).

U cijenu su uključene carine, takse, osiguranje kao i druge dažbine date na paritetu FCO Sarajevo – skladište kupca. Ugovorena cijena uključuje pored navedenog i pakovanje, transport i troškove osiguranja.

Ugovorena cijena je fiksna i ne podliježe bilo kojim izmjenama.

Član 3.

Prodavac se obavezuje da robu koja je predmet ovog ugovora isporuči prema uslovima iz tenderske dokumentacije i prihvaćene ponude.

Prodavac se obavezuje da će uz isporučenu opremu dostaviti i slijedeće:

- Ispitni protokol prema prema važećem EN ISO 9906:2012
- Crtež presjeka agregata sa pozicijama dijelova
- Specifikaciju svih pozicija sa kataloškim brojevima
- Preporučeni set rezervnih dijelova
- Tehničko uputstvo za montažu, rukovanje i održavanje
- Adresa najbližeg ovlaštenog servisera i kontakt osoba
- Uputstvo za montažu, rukovanje i održavanje (2 kopije)
- Garantni list sa garantnim uslovima (minimalno 12 mjeseci od ugradnje, odnosno 18 mjeseci od isporuke)

Napomena: Kompletna tehnička dokumentacija treba da se odnosi za ponudene pumpne agregate koji su predmet nabavke i isporuke.

Ukoliko se zahtjevana dokumentacija uz isporučenu robu dostavlja na stranom jeziku, ponuđač obavezno mora da dostavi i prevod ovlaštenog sudskog tumača na jedan od jezika u

službenoj upotrebi u BiH, za jezik sa kojeg je prevod izvršen. Prevod ovlaštenog sudskog tumača dostavlja se u originalu ili ovjerenoj kopiji. Dokument sa kojeg je prevod izvršen, dostavlja se u originalu ili običnoj kopiji.

Dokument koji je preveden od strane sudskog tumača mora sadržavati ovjeru sudskog tumača.

Član 4.

Prodavac će predmetnu robu isporučiti u skladište Kupca u Sarajevu i to u roku max. do 6 sedmica od dana prijema narudžbenice.

Prilikom isporuke robe u otpremnici, pored iskazane količine, potrebno je obavezno navesti i usvojene jedinične cijene iz ponude Prodavca.

Ugovorne strane su saglasne da se kvalitativni i kvantitativni prijem robe izvrši zapisnički putem Komisije koju sačinjavaju ovlašteni predstavnici svake ugovorne strane.

Član 5.

Zapisnik iz člana 4. ovog ugovora je osnov za plaćanje ugovorne cijene.

Član 6.

Način i uslovi plaćanja su: u roku od 60 dana od dana isporuke robe i ispostavljanja fakture, na transakcijski račun Prodavca broj: 1408021120007515 kod SBERBANK BH d.d.

Član 7.

Prodavac ima pravo na produženje ugovornog roka u slučaju više sile.

Rok za isporuku predmetne robe produžit će se za onoliko dana koliko je trajala smetnja.

Prodavac je dužan podnijeti zahtjev za produženje roka Kupcu u roku od **3 dana** po nastanku razloga za produženje roka.

Produženje roka utvrđuje Kupac u pisanoj formi i to u roku od **5 dana** po pisanom zahtjevu Prodavca.

Član 8.

U slučaju kašnjenja u isporuci roba, do kojeg je došlo krivicom Prodavca, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Kupca.

Član 9.

Robe koje su predmet ovog Ugovora, moraju biti u skladu sa kvalitetom naznačenim u usvojenoj ponudi.

Ukoliko se utvrdi da roba koju je Prodavac isporučio ima greške ili nije ugovorenog kvaliteta, Prodavac je dužan robu koja je predmet reklamacije zamijeniti sa novom.

Prodavac daje garanciju na kvalitet i funkcionalnost na svu isporučenu robu u trajanju 12 mjeseci od ugradnje (minimalno 12 mjeseci od ugradnje), odnosno 18 mjeseci od isporuke (minimalno 18

mjeseci od isporuke). Garancija za isporučenu robu obuhvata sve kvarove nastale usljed grešaka u projektovanju, proizvodnji i materijalu ili instalisanju. Prodavac se obavezuje dostaviti prilikom isporuke robe Garantni list sa garantnim uslovima (minimalno 12 mjeseci od ugradnje, odnosno 18 mjeseci od isporuke)

Član 10.

Prodavac se obavezuje da neće sklapati podugovor ni o jednom bitnom dijelu ugovora bez prethodnog pismenog odobrenja Kupca.

Član 11.

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 12.

Sve eventualne izmjene i dopune ovog ugovora, ugovorne strane će dogovarati međusobno uz obaveznu pismenu saglasnost ugovornih strana.

Član 13.

Kupac može pisanim obavještenjem poslatom Prodavcu, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Prodavac propusti da isporuči predmetnu opremu u vremenskom periodu određenom u ugovoru;
- ukoliko Prodavac propusti da izvrši sve druge obaveze prema ugovoru koje bitno mogu djelovati na Kupčev rad;
- ukoliko Prodavac bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obavezu koju Prodavac ima prema Kupcu.

Prodavac, može takođe pismenim putem raskinuti ovaj ugovor, u slučaju da Kupac ne ispuni obavezu plaćanja, kako je definisano u članu 6. ovog ugovora.

Član 14.

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno. Ukoliko sporazumno rješenje nije moguće, nadležan je sud u Sarajevu.

Član 15.

Ovaj ugovor stupa na snagu kada ga potpišu obje ugovorne strane, a zaključuje se na period od 12 (dvanaest) mjeseci od dana potpisivanja istog. Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

Sastavni dio ugovora su:

Tenderska dokumentacija br. 79/17

Usvojena ponuda br. 02II-VII7 od 25.09.2017. godine.,sa svom popratnom dokumentacijom

Za Prodavca:

Direktor



Miloš Dujković




Broj:.....42/2017.....

Datum:.....24.11.2017.....

Za Kupca:

v.d. Direktor



Azra Muzur,dipl.inž.grad.



Broj:.....484/17.....

Datum:.....22.11.2017.....